

DEO OPTIMO MAX. UNI ET TRINO,

VIRGINI DEI - PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Jovis duodecimâ
mensis Decembris, anno Domini M.DCC.XLIII.

M. NICOLAO LE ROY DE SAINT AIGNAN,
Doctore Medico, Præsidente.

An, febris sapius morbi remedium, quàm morbus.

I.



RÆTERIIT jamdudùm, irretorto pede præteriit felicissima illa ætas quâ ver erat æternum, nec terras sædabat hyems gelida, nec torrida torquebat æstas; quâ tellus intacta rostro, nec ullis faucibus vomeribus per se dabat omnia. Tunc integro vitæ homini, scelerisque puro pena metusque aberant. Tunc doloris morbiq; nefcius mentem sanam servabat in corpore sano. At quantum mutatus ab illo qui fuit, & nunc est! Post ignem æthereâ domo subductum; post reclusam, (deleat oblivio memoriam) Pandoræ pyxidem, macies & nova malorum terris incubuit cohors. Jam semoti prius tarda lethi necessitas corripuit gradum. Jam nihil sine magno vita labore dat mortalibus. Jam per gelidas hyemes, per igneos æstus, per inæquales ideoque (*) noxios corporibus autumnos & breve ver totus annus exigitur. Sed nec miseræ finis. Hominem, si structuram & artificium spectes, naturæ quidem gaudens opus; at si morborum iliadem, novercæ ludibrium dixeris. Vix spiritum caput ducere cum ipsum undique circumveniunt offendicula. Suos quælibet ætas patitur manes. Adhuc à matre rubentis pulmones tussis ferina quatit. Palpitans vertex deturpatur achoribus. Dentium eruptio, alvi profluvia, convulsiones, quantâ sunt dolorum accessione! In pubertate intestina pungunt lumbrici, vesicam carnifer dilacerat calculus. Suos etiam invehit adolescentia morbos, epilepsiam, variolas puellis insensas, matribus detestatas. Juvenibus letargus accidit, lateris, pulmonumque inflammationes. * Senes tandem exercent spirandi difficultas, destillationes, visus auditusque hebetudo. Nec ætalibus tantum, sed sui sunt cuique tempestati, cuique regioni, cuique corporis parti morbi peculiaris. Adeo verum est totum esse hominem à naturâ morbum. Verum ex tot morbis paucos admodum reperias quos pedissequa febris non concomitetur. Unde vulgò morborum vulgarissimus audit. At quam iniquè! Quam perperam! An eò nequitia venit genus humanum ut virtutes ipsas invertat & sincera cupiat vasa incrustata? An quemadmodum icteri laborantibus omnia flava apparent, sic, quod malis

(a) Celsus lib. 1.
p. 2.

* Hipp. ap. 13.
p. 2.

A

2

undique circumducitur homo, quidquid agit natura, ipsi malum videtur? Num quod ad causam morbi emendandam, expellendamque suscitatur, per quod sanitas amissa sæpè restituitur, quod saltem ad illam restituendam semper intendit, morbi nomine est insimulandum?

I I.

MORBUS non male definitur affectus contra naturam corporis viventis functiones manifestè lædens primò & per se. Quidquid igitur functiones per se non lædit, inter morbos non est recensendum; etiam si illud nonnunquam per accidens eveniat. Comparatione rem juvat illustrare. Quemadmodum obfessi, qui in obsidentes quâ data porta fulminis instar erumpunt, hostes longo intervallo fugant, opera invadunt, alia dejiciunt, alia igne corrumpunt; tandem cædendo defessi novis, vulnerati intactis occurrentes à multitudine non rarò opprimuntur, ut indè non levem suis jacturam inferant; non ideo patriæ hostes sunt dicendi: haud aliter si quas adhibet opes natura ad profligandos morbos, longo nimis acerboque prælio minuantur; vel morbi malignitate aut quasi hostium oppressæ numero corruant; ut indè non nihil mali ægrotanti eveniat; num ideo capitalis criminis sunt arguendæ? Quasi verò victoriam viribus intactis natura semper debeat reportare. Nonne debemur morti nos nostraque? Nonne statutum est omnibus hominibus semel mori? Neque quis putet hîc de nomine tantùm rixam moveri. Multa enim indè deducuntur ad medicam praxim maximè necessaria. Enim verò si semel liquidò devictum fuerit febrem non morbum esse sed remedium, hinc sequetur eam non esse antevertendam sed (novum auditu) aliquandò provocandam, non imminuendam sed adaugendam, non exinguendam sed conservandam.

I I I.

VIX homo ægritudine aliquâ tentatur, cum statim natura febrim exsuscitat. Quid ergo? An malum malo addere? An se ipsam exorsa cruentas in se manus studeat adhibere? Absit. Natura sui conservationi invigilans indefinenter & teste divo sene optima morborum medicatrix, non ruinam inferre, sed opem asferre intendit. Febris ab antiquo *februare* id est expurgare; specialissimè à ritibus illis solemnibus februa appellatis quibus domicilia ab umbris erraticis defunctorum expurgari somniabant. Cum de febris naturâ non conveniat inter auctores, non mirum quòd diversæ à diversis allatæ fuerint illius definitiones. Sed postpositis cæteris hanc genuinam veramque contendimus: febris est conamen naturæ causam morbi aut emendantis aut expellentis. Hæc enim rationi, & experientiæ consona est, hæc auctoritate, & ipsâ confirmatur analogiâ. Incausam febris causam quæsieris; querenda potiùs variorum quos comitatur causa morborum. Huic remedia debentur, huic soli oculatus incombatur medicus. Exulent itaque variæ causæ fictitiæ; accensionis flammulæ cordis; scintillarum per latifundium sanguinis oberrantium; explosionis corpusculorum nitroforûm; item nudæ recentiorum fermentationes quas antiquorum putredini substituerant. Præcipuæ morborum causæ ab inflammationibus, obstructionibus, à materiâ viscidâ & glutinosâ in diversis corporis partibus inhærentes, veniunt repetendæ. Porro his corrigendis aut penitus delendis quodnam febre potentius remedium. In febre sanguinis motus calorque ultra gradum naturalem augentur. Motu & calore vivimus. His, quæcunque in microcosmo peraguntur, accepta referri debent. Quamdiu autem nulla functio læsa est, vitæ perennandæ naturalis uterque sufficit; si quæ verò occurrant impedimenta, tum febris motibus secretoriis & excretoriis ultra gradum naturalem adauctis attenuando, incidendo materiam morbosicam ad temperationem debitam reducit aut caloris adjuta præsidio præparatam foràs eliminat. Hinc, teste Junckero, febres si legitimè & salutariter decurrant, novum sanitatis vigorem habent successorem, Sed

irritum cadit quodlibet raciocinium nisi experientiâ rerum magistrâ fulciatur. Hanc igitur consulamus. Sunt qui intactâ morbi causâ, soli debellandâ fibri operam navantes, repetitis ad nativi caloris quasi extinctionem venæ sectionibus, emulsionibus, narcoticis incumbunt. Quid inde? Scopum attingunt. Febrim sedant, vel potiùs armis naturam exuunt. At sunt novissima infantis ægri pejora prioribus. Hinc enim morborum ihaides, hinc lassitudines spontaneæ, inappetentiâ, ad omnia munia tum animi tum corporis ineptitudo: ut de illo condatum sit, nisi de se ipsâ aut prudentis medici consilio natura quasi reviviscat. Quantò rectius hic qui nil molitur ineptè! qui semel aut iterum imperatâ phlebotomiâ ut depletis vasculis velut aperto campo totis viribus natura prælium inire queat, interim in primis viis in intimis corporis visceribus causam mali lynceis oculis investigat ut naturæ minister non oppressor illi ferat suppetias. Aut si sibi soli sufficiat, derelinquatur. Sæpe enim paroxysmi initio celebratâ venæ sectione, adaugetur quin immo debaccatur fibrâ; humor peccans attenuatur, inciditur, movetur, subortis hinc sudoribus foras amandatur, solius fibrâ auxilio Sanatur ægrotans.

I V.

QUOT mala febre sanentur hic enarrare verant thesæ præscripti limites. Pauca tantum exempla ex gravioribus in arte medicâ magistris referre animus est. ^(a) Quartana sanat epilepsiam; tertiana exhaurit & sistit catarrhum. ^(b) si quis ebrius repente obmutescat, convulsus moritur nisi superveniente febre vocem recipiat. ^(c) Qui quartanâ laborant convulsionibus omnino non capiuntur; si verò antea capiantur & lubinde quartana succedat, cessant. Cum enim ab humoribus lentis & pituitosis convulsio ut plurimum fiat, cumque horum duplex sit sanatio, coctio scilicet & excretio, utramque paginam adimplet febris. ^(d) Lippienti viro febre superveniente, lippitudinis exolutio; de quo Butin. Discussio humore crasso qui oculorum venas replebat fit lippitudinis curatio. ^(e) Quibus hypocondrium è dolore laborat, superveniente febre dolor exolvitur incidendo attenuando, ac temperationem reducendo. ^(f) Ad generationem puris necessaria est materiæ suppurabilis præparatio; efficitur autem talis a febre. . . . sine febre nihil est suppurabile. ^(g) In variolis tanti momenti est febris ut in illâ prævidendâ & rectè dirigendâ totum constet medentis artificium & industria. Cætera quæ in pluribus authoribus ac præsertim in hippocratis libris multa sunt exempla prætermittimus. Hisce evictum satis credimus febrim esse naturale remedium. Nec oculato cuius naturæ indagator mirum illud videbitur. Ubique enim sibi similem reperit, ubique sibi consentientem; ubique sibi ipse invigilantem. Enim verò si quid ventriculorum pondere gravet, aut acriori stimulo in illum impingat, statim natura classicum canit, contrahitur ventriculus, plurimæ partes manus dant auxiliares, fit vomitus: quod nocebat ejicitur. Membranæ pituitariæ fit irritatio? En adest sternutatio quâ natura liberatur. Si quid fortuito illapsu per dicatas aeri vias in tracheam vim exerceat, subortâ tussim tam potenter pellitur ut sæpè quâ recta via ducit, per nares eliminetur. Succurrere pariter oculis lacrymas, intestinis alvi fluxus, omnibus & lippis notum & tonsoribus. Porro quis nisi in physiologicis rebus planè hospes hic vomitum, sternutationem, tussim, lacrymas, alvi fluxum mobi nomine inquinaverit. Idem fibrâ usus, idem de febre dicendum.

V.

NATURA igitur stulta febris præsidio quàm plurimos debellat morbos. Hujus ope quod spissius est attenuatur, viscidius inciditur, intemperatum ad temperationem reducit, noxium amandatur, sanguinis *impuritas* conciliatur. At dicet aliquis: quotidie cum successu præscribuntur remedia quæ idcirco febrifuga audiunt quod febrim perimant. Usus quidem nominis invaluit & reverâ illorum ope cessat febris. At hinc luculenta exoritur nostræ thesæ probatio, Cum autem in-

(a) Hipp.

(b) Id. ap. 6.

P 20.

(c) Id. ap. 42.

Pt. 52.

(d) Id. Coar.

8.

(e) Coar. 210.

(f) Coar. 299

(g) Heeg. Pref.

Pæ. 29.

* An 1683.

ter illa remedia primas jure teneat cortex peruvianus hunc in medium proferre liceat. Benignus hic cortex sale suo, quo turget, tam fixo quam volatili, attenuando incidendo, non numquam vacuando agit. Quod * duabus præclaris thesibus in hac solempni Academiâ propugnatis evictum est. Idem igitur præstat quod fibris: est quasi febris succedanea: conjunctis agunt viribus. Quanta etenim utriusque similitudo! prodest febrî venæ sectio, & Kinakina. Purgantibus juvatur febris; si purgantia pulveri peruviano immiscueris, eadem fideliâ duos dealbaveris parietes. Si mali fomes & origo in ventriculo delitescat, hoc sine emeticorum auxilio eradicare non valet Kinakina; nec febris. At rursus illus ope hæc definit. Sanè quidem; quia hoste debellato reconditis armis natura conquiescit. Sed perget aliquis: febrim cessare bonum est; non inficias imus. Indicat enim naturam victicem & materiam morbificam aut emendatam aut expulsam; nisi id naturæ imbecillitate contingat: quod pessimum. Tuncque maximè medici auxilio opus est qui res prudentiâ restituat, appropriatis remediis causâ morbi occurrat, & languentem jam ac deficientem naturam refocillet. Absit tamen ut syllam fugiens, in Charybdim incidat. Ad nimium enim conamen incitata naturâ extenuatur: unde funesta sæpe exorjuntur symptomata & auxilium in perniciem cedit. est modus, sunt certi fines citra & ultra quos rectum nequit consistere. Optima febris est quæ & causâ morbi, & naturæ viribus est accommodata. Hæc est quæ tutò & citò materiem morbificam præparat & præparatam expellit.

Ergo, febris sapius morbi remedium, quàm morbus.

DOMINI DOCTORES DISPUTATURI.

M. Silvester-Antonius le Moine. M. Julianus Buisson,

M. Joannes-Baptista Boyer, Consiliarius Medicus Regis ordinarius in supremo senatu Parisiensi, ac in magnâ Franciæ Præfectura, Serenissime Principis Ducissæ du Maine Medicus ordinarius, & Censor Regius.

M. Petrus-Josephus Macquer. M. Petrus Bercher,

M. Bernardus de Jussieu, Regiæ Scientiarum Academiæ, Regiæque Societatis Lodiensis socius, & in horto Regiæ Botanices Prædemonstrator.

M. Josephus-Maria - Franciscus de la Sûne, Regiæ Scientiarum Academiæ socius. M. Urbanus de Vandenesse.

M. Joannes Albrue, salubris Consilii Regii socius, Regis Poloniarum Augusti II. Electoris Saxonie, dum viveret, Medicus Primarius, Serenissimi Arelianensium Ducis Medicus ordinarius Professor Regius.

Proponebat Parisiis, FRANCISCUS BERNARD Abrincensis,
Saluberrimæ Facultatis Medicinæ Parisiensis Baccalaureus,
A. R. S. H. 1743. à sextâ ad meridiem.

Typis QUILLAU, Universitatis & Facultatis Medicinæ Parisiensis
Typographi, 1743.